

項城袁氏家集



文誠公
函牘



宣統辛亥夏
清芬閣編刊



文誠公函牘

卷之一目錄

致樞密相國諸公

致前通政王少鶴

致李子和中丞

致張子青中丞

致左季高制軍

又

致李少荃中堂

致左季帥

文誠公集函牘卷一 目錄

覆左季高宮保

致豫省當道諸公

又

致李子和中丞

致劉硯莊制軍


致邵汴生中丞

致沈幼丹制軍

又

致粵海關俊星東觀察

致津海關黎召民觀察



致江甯孫琴西方伯

致上海劉芝田觀察

覆何子永觀察

致姚訪梅

致招商津局朱觀察

致李中堂

致左相

致江蘇吳中丞

致廣東馮子立太守

致梅筱巖中丞

文誠公集函牘卷一 目錄

致衛靜瀾方伯

覆徐傳宗觀察

致胡雪崖觀察

覆張漢仙觀察

致致夫

致本省各紳富

致江西李捷峯方伯

致毛旭初冢宰

致董司農

致劉仲良中丞

致牛慕琦總戎

覆吳清卿觀察

致萬宗伯

致徐蔭軒總憲

致賑撫局

文誠公集函牘卷一 目錄

天津華新印刷局代印



致謝靈頓
致翁菊圃總憲
致萬宗伯
致吳清卿觀察
致牛慕琦總戎

文誠公函牘卷一

致樞密相國諸公

春初乘友人公車北上肅佈燕函奉候興居嗣友人報罷帶病出都未爲索取覆書日久不奉誨言無任企慕辰維翊贊功高大猷不煥欽仰無窮姪闍廬伏處胸逾再葦計九月卽當釋服而先公蒙

恩應得

諭祭原文早經恭讀部中至今未曾行文本省遂亦無從遵辦疊次函促呈催迄無音耗以

聖主篤念耆臣之盛典而延閣已經數載刻復專足赴都託友

文誠公集函牘卷一

天津華新印刷局代印

人代催冀於未經釋服之前仰荷

主恩似於情理爲安尙未卜能如願否也先公臨淮之祠蒙

恩仍准復祀仰見

聖朝賞罰至公與長者垂念先德感曷可言並承俯鑒狂愚其自請輟官之處存而不論尤令銜結靡窮也姪去歲以妄言獲罪蒙

朝廷一再施恩感激涕零卽使偶有見聞何敢再有妄發重違聖明保護成全之意惟賦性蠢愚憂時成癖千慮一得輒欲妄抒狂論且事關大局患在維桑姪累受

重恩以世臣之義不當自安緘默既不敢輕觸吏議而父執之

前不敢不傾吐肝膈長者輔翊

聖明倘謂爲一長可取見諸施行姪所以承先志而報

主恩亦卽於是乎在謹卽僧邸往事之顛末與滌相現在之措置參以地勢賊情兵機約略言之以備采擇庶亦集思廣益之一助也僧邸忠勇性成以滅賊爲己任屢挫而氣不餒驟勝而志不驕故能累殲巨憝建立殊勳而其所短在專用馬而不善用步馬隊迅速步兵遲緩晝夜兼行恆不相及縱或及之未戰先疲交鋒輒退勢不得不專以馬隊與賊馳逐而一逢山路崎嶇水田沮洳馬力難施往往爲賊所乘連年得力之兵耗折殆盡無與爲戰且步隊降衆太多其心各異兼使疲於奔命勞敝已極卒以慷慨捐軀大功未竟其志良可哀也滌相雅善用人謀定後動卓識定力屹然不可搖奪故能掃穴擒渠肅清江南然其得力在初練之老湘營良將勁卒水陸兼資數年以來士卒傷亡過半將領分赴四方此次北來舊部鮮有從者其素練之水師又無所之勢不得不資外調之兵新募之勇將與帥不相習兵與將不相習帥若將於北路地形之險夷賊勢之強弱復不相習誠恐不能動中竅要聞其分兵四處待賊而擊之意在以有定之兵制無定之賊未始非古人成法而賊已離巢遠遁其原定駐兵之所已歸無用待其徐思變計改絃而更張之賊已得乘間喘息裹脅嘯聚以圖復振蕩平何日又聞其飭令

分駐之將與各省督撫畫地而任其責夫近日軍務之弊正坐各督撫互分畛域若此布置是畛域之中又增畛域焉能望其通力合作耶竊以爲制勝之道在因地利聚兵力一事權江湖利水師平原利馬隊阨塞利步卒一定之理也僧邸聚三省之精銳困於曲折險仄之途其前事矣今賊馬多步少若在平原誠未易制茲聞西竄之衆前股已入魯寶後股奔向南汝魯寶多山險南汝多水陸賊衆到彼已失其所長宜急扼要隘使入山之賊不得復出山東向嚴防沙河使過河之賊不能復渡河北趨逼歸山陬水滙卽可以我之步制賊之馬馬不得施賊之智力俱窮矣至官軍馬隊不令入山亦不令渡沙河而南置萬

文誠公集

函牘卷一

三

天津華新印刷局代印

騎於陳許之間訓練休息以逸待勞可當步卒數萬以爲北路屏藩各處寡弱分防之兵概可裁撤萬一賊衆窘急奔竄平原縱我鐵騎躡之使賊無能喘息必可一氣掃除此不易之勝算也江皖楚豫各省現兵率逾兩萬疊奉

嚴旨飭令防守本境究竟各在各省地大兵分於防剿均無實濟是以有用之兵半歸坐耗而需兵之地轉患單弱可爲太息爲今之計莫若調取各路之兵厚集於近賊之地所防近則需兵少兵力厚則戰有功卽以賊今在豫而論若其逼近江淮則有水師遏之若其西趨商雒則有陝兵待之無煩別議增兵目下惟須守山隘防沙河得三萬人聯絡布置首尾相應足矣進

戰之兵亦不過三萬人足矣合江皖楚豫現在剿捻之兵不下七八萬人加以滌相所部湘淮各軍又不止兩萬人是有十萬之衆而直東山陝不預焉卽以此十萬之衆逼賊四面一半設防一半進戰急則並力合圍緩則更番疊戰何患有不盡之賊或慮各省之兵傾國而出倘賊潰圍而走無以待之不知各省之兵卽不出省亦斷不能防而兵力既集賊在險阻步卒足以制之賊到平地馬隊足以制之任其所之皆以全力注之賊住則面而受敵賊走則不遑止息但飭各路堅壁清野以待之雖無防兵而賊自無能爲患况兵力厚集自可從容肆應動出萬全必不至任賊鋌走也滌相奉

文誠公集

函牘卷一

四

天津華新印刷局代印

命專征各督撫均歸節制事權不可謂不重然而勢位相埒統制爲難且臨機制變彼此或有異意往復會商必至歧誤否則各主其兵卽欲專斷而不能徒增掣肘難冀和衷也竊謂督撫旣以地方分心必不能專力軍務而長於吏治者不必其果能用兵則莫若以督撫專任地方責以籌餉濟軍盡舉所有之兵授之經略以饋餉不繼責之督撫而以討賊之效責之經略俾任兵事者無兵食不足之憂亦無調度不靈之患旣不慮互相牽制亦不致互相推諉矣若慮兵多賊衆一人不能兼顧其分統之人宜使經略自擇而自任之發縱指示無不如志其去一國三公不啻霄壤矣

致前通政王少鶴

春初乘友人公車之便會同念慈各肅寸緘計承鑒察後以友人報罷扶病出都未能索取復書至今馳溯夏日曾於邸報一讀大疏卓識名言安上全下讀之肅然彌切仰止之慕古人事君出處一致如宋蘇文忠李忠定病中謫中無日不心存君國邇來此風渺然遂以進退而分語默得長者此疏足令衆人歎服一雪此言矣姪去歲以妄言被譴蒙

朝廷一再施恩感慚無地謹當深自刻責引咎省躬以答

聖明訓勵成全之意惟竊念累受

厚恩以世臣之義捐糜均非敢惜且先人未竟之心既非不肖

文誠公集

函牘卷一

五

天津華新印刷局代印

所能負荷倘竟以時事艱虞視同秦越則辜

聖德而怫先靈重增不孝不忠之罪現既不敢爲出位之舉再蹈愆尤而事關大局有不能已於言者以父執之前分當竭誠又諗盡懷殷憂同切用敢布其腹心一縷陳之伏見金陵蕩定以來南寇竄伏海隅現已掃除殆盡北路惟揜氛餘孽鋌走爲患非有崛起之衆而僧邸邂逅前卻竟隕元戎

朝廷以滌相元老壯猷

命移得勝之師經略數省權位不可謂不尊聲勢不可謂不振然而用兵之道用衆尤難况師興十年兵餉交殫及此時以廓清中原生聚教訓與民休息尙難驟復承平之舊倘曠日持久

情見勢絀軍事勝負孰能操券千古治亂之分皆不在初起而在將定剝復否泰之理卓然可信此所爲不得不深慮也夫兵以機勢爲先因機乘勢以判得失不在衆寡亦並不在強弱卽今日之將帥士衆無煩增兵增餉惟其措置有未盡當者在乎一轉移間而已聞滌相擬分兵四支以有定之兵制無定之賊未始非古人成法又聞其分防諸將飭與各督撫畫疆而守意在各有責成亦未嘗非苦心籌畫惟賊氛已趨向西南原定駐兵之處既不相及且軍興以來統天下現兵不知凡幾處處設防亦時時會剿而寇衆馳突所向輒潰非各省之防兵盡不足恃也亦非經撫之盡不和衷也勢位相埒必不可臨以軍令而

文誠公集

函牘卷一

六

天津華新印刷局代印

兵事臨機制變豈能待往復函商千古事不歸一雖名將不克成功相州之潰李郭具在又何救於敗北軍興十年弊正坐此今日大舉中原安危所係又豈可此疆彼界重蹈覆轍耶以愚見論之江皖楚豫現兵率逾兩萬與其無實用而糜帑餉何如萃衆力而責成功况督撫將兵必不能不分心民事而長於吏治者又不必果善用兵則莫若以饋餉運輸專責督撫盡以所有之兵授之經略轉餉不繼責在地方討賊不效責在將帥俾任兵事者不以籌餉分其心力不以掣肘誤其成功既無牽制卽無推諉計此四省之兵不下七八萬人合以滌相所統湘淮各軍蓋逾十萬而直東山陝不與焉舉此十萬衆均歸於經略

將令所臨自可指揮如意若分統之人獨當一面者宜使經略自擇而自任之斯發縱指示仍在一一人自能有臂指之效矣至於進攻之法則貴在因我所長避我所短江湖利舟平原利騎險阻利步自古已然僧邸善用騎兵滌相善用水步故就所長以因地利皆能各成大功而僧邸之騎兵困於山險水阻之地往往敗北此卽用違其長而未遑變計也滌相此番北來水師既無所用馬隊又非旦夕所得莫若乘此時之賊半在山險半在水田急以重兵扼隘使入山者不得復出嚴防沙河使在兩者不得復渡逼歸山水之鄉卽可以我之步制賊之馬今日賊勢馬多於步無能馳騁賊技卽窮約計守隘防河首尾相應

文誠公集

函牘卷一

七

天津華新印刷局代印

得三萬人足矣進戰攻擊亦三萬人足矣果能合四省十萬之師逼賊四面一半設防一半進戰急則並力合圍緩則更番疊進何患有不盡之賊至馬隊爲平原利器直東豫交界平巨千里惟置萬騎於陳許之間不令入山亦不令渡沙河而南訓練休息以逸待勞可當步卒數萬爲北路長城直東分防之兵概可裁撤以期餉歸實用萬一餘寇得入平原縱萬騎盡力蹴之使賊不能喘息必可一氣掃除如此則我無所短賊失所長勝負之機豈待智者而決耶若以賊勢無常面面皆須慮及則入江淮以水師擊之趨商雒以陝兵禦之但使防兵歸於一帥其隨時布置自能力求嚴密又不待預爲經畫也若慮各省之兵

傾國而出恐賊潰圍旁竄則以前各守各境又何嘗果能禦賊
但得兵力厚集步卒扼之於險阻騎兵制之於平原賊住則面
面受敵賊走則不遑止息夫又何能爲患况以十萬之衆聯絡
嚴密豈能任其鋌走兵法所謂先爲不可勝以待敵之可勝者
也姪以後生小子才識陋陋豈敢自謂知兵軍事重大又何敢
妄有論議惟事在中原全局目擊時艱實不忍以身不任事遂
以緘默爲高千慮之愚輒以貢之左右長者體

國公忠憂時念切倘謂一長可取俾得施行姪所以承先志而
報

主恩亦藉以自酬夙願古人有言功不必己立名不必己出夙

文誠公集

函牘卷一

八

天津華新印刷局代印

荷惠愛有加自謂生平知己用敢直言當蒙俯鑒

致李子和中丞

近日疆吏專重楚材然亦多半附驥尾而彰不盡游刃有餘勝
任愉快也屈指當代人才如公之明敏果決強毅有爲固亦不
能數數觀謂宜開府建牙獨當一面必能蔚爲長城紆縱橫千
里之難前聞榮拜撫楚之

命深爲封疆得人幸而私心竊計則又欲仰藉寇公福我中土
蓋豫之患較楚爲棘而旌麾曾蒞是邦又有駕輕就熟之便也
今而後乃令天從人願殆亦中原之劫數將盡與大君子愴懷
舊治之心有默相感召者將以慰萬衆生佛之望不獨後生小

子一人慶幸已也豫居天下之中人情風土之厚可富可強而歷來撫豫者不思自振惟以仰息於人爲得計甚無謂也豈果不欲自強徒有勵精圖治之心不得要領而已全豫當蹂躪之後首重培養民生民生如人身正氣正氣充足則客邪不能入縱有感觸藥石亦易爲功此其道在慎選守令與民休息以豫之餉養豫之兵儘可自強而積疲之餘非得傑出將才力挽頽風日討軍實而申警之不足作士氣而振軍聲是二者又皆歸本於得人得人而理舉而措之裕如耳年來豫撫皆以出省督師疲於奔命病在不知選將無可專任之人三軍進止事事受成於主帥而主帥又不能時時身臨前敵指揮如意牽引遺誤

文誠公集函牘卷一

九

天津華新印刷局代印

迄無成功既於兵事無裨而軍書填委戎馬勞形又不暇問吏治民生爲何事地方日以廢弛而軍務愈難整頓軍務愈無起色而地方益以凋敝江河日下補救無術其要總歸於軍務地方兩不得人是在大君子握要以圖之耳抑又思之從古不聞求才於異代何地無賢惟在當軸者操縱而激揚之明示以好惡確定其去取則中人以下皆將竭蹶奔赴爭自濯磨以待上官之驅策而人才不可勝用矣至所賴以矜式通國表率羣僚者又不過表表數人於此數人者極一時之選而推誠與之則又不必盡人而察之也待目擊時艱好爲迂闊之想而非遇虛心聽受如老前輩者則又不敢妄貢其愚明知卓識定力高出

尋常萬萬如侍之狂瞽不足當大賢一哂而一得不敢自祕竊
羨河海不擇細流亦造福桑梓之一助也

致張子青中丞

久疎音敬企慕良深祇以陞伏禮廬未便以尋常箋牘上瀆尊
嚴辰維運籌決勝電掃風馳肅清當在指顧欣盼奚如侍閉門
讀禮從未與聞外事昨以清明節近回項展拜先塋甫至卽聞
城南被擾之區困苦不堪道殣相望旋有南路居民來城泣訴
連年以來疊被粵逆捻匪苗賊梭織往來盤據擾害逃避者財
物牲畜搶掠一空聚守者堡寨被賊攻陷焚殺更慘去冬至今
稍稱平靖而廬舍爲墟田地荒蕪餬口無資耕種無具典質無

文誠公集

函牘卷一

十

天津華新印刷局代印

物告貸無門束手待斃無可如何求爲設法拯救情願將田地
每畝數百文售爲暫時延命之計侍固無力置產况亦不忍乘
人之厄婉言推脫而南路人衆哀求不去始以涕泣繼以環跪
必求前往以觀苦况不得已隨往廟兒灣楊埠新興集江莊路
閻莊曹窩等處周歷看視一望平蕪延袤百餘里間村鎮盡成
焦土堡寨僅贖敗垣間有子遺類皆鵠面鳩形懸鶻百結挑挖
野菜草根雜以糠粃爲食尙且一日不獲兩餐形容焦瘁欲倒
實覺目不忍觀爲之食不下咽者累日矣想大君子痾瘵念切
聞此情景當亦寢不安席食不甘味也侍再四籌思欲勸諭各
處富戶往買田地則頻年兵亂均無餘力欲爲懇請賑濟則軍

餉支絀難開此端因思項城東接阜陽南連光州兩省交界之區向爲匪蹤出沒之地目前雖幸無事而伏莽悍俗在在可憂倘無重兵彈壓以消隱患而備不虞未可恃爲久安也以防兵一千計之歲需軍餉三萬有奇安得有此不竭之源以養坐食之兵不如乘此時略籌款項收買民地以爲官田屯兵久駐統計攜銀數千兩可收地三四百頃以每頃養屯兵四人計之可養千數百人分布於平輿以東西蘆以西楊埠廓兒灣新興集陽城等處設官領之歸地方官節制無事則耕自食其力農隙以時訓練有事則戰自裹其糧緩急不煩征調收駐兵之效而不籌養兵之費其利一也垂死之民得以售地之資度此荒春

文誠公集

函牘卷一

十一

天津華新印刷局代印

兼可市買牛種墾其未售之田無賑濟之名而有賑濟之實其利二也籌數百里保衛之方救千萬人呼吸之命一舉兩得諒大君子軫念民艱妥籌經久當不以鄙言爲謬倘蒙俯賜采納卽請一面酌量具奏一面飭司籌款速解或飛飭陳汝光各屬於現征錢糧內就近劃解以期朝發夕至一面委員協同地方有司妥速辦理若俟往返商酌議定奏

准然後舉行則朝不保夕之民將盡轉於溝壑矣高恆溪吏部昨署上侍已懇其將現在情形現籌辦法向當道剴切言之以免具奏時或有駁飭是在父母斯民者竭力爲之也侍以桑梓情殷爲民請命冒昧出此不覺言之激切知我罪我惟大君子

主之不敢避譴責也是否可行仍望迅賜示覆不勝禱切之至
致左季高制軍

保恆自咸豐十一年隨侍先端敏公治兵臨淮因餉源奇絀上游糧道爲苗逆阻絕卽議興辦屯田曾經悉心講求旋以河路復通先公患病四面禦賊日不暇給遂爾中止迨僧邸平定苗張各逆保恆於條陳皖北善後摺內曾請舉行奉

旨交督撫會議當道者坐失機會未能爲

國家計久遠而省大費心竊惜之後聞我公西來未入關之先卽以屯田爲首務私幸迂拙之見與名賢不謀而合今秋奉

旨後晉謁臺端首蒙諭及西路軍務非興屯不可深佩老成定

文誠公集

函牘卷一

十一

天津華新印刷局代印

見上月入關後體察軍情似戰事略有把握所慮戰勝之後糧運不繼前進固難駐守亦不易採買既屬無幾轉運復艱滯異常則屯田爲刻不可緩矣是以仰體帥廩不揣冒昧敬陳大略辦法謬蒙嘉獎並諭以戰兵的餉尙未撥定恐鉅款難籌且五十頃共築一堡合百五十人不敷守禦擬令營勇隨處開墾仰見計慮周詳因時制宜之苦心惟勇丁耕田目前導民開墾則可其有不便者亦當慮及蓋古來以兵屯者類皆爲久駐之策且耕且守是以人心安而地力盡今之各營責在進戰更調無常斷不能久駐一處或墾而不及種或種而不及耘或耘而不及穫一旦委之而去無人接管前功可惜不便者一現勇多係

南人精於水田其於旱田墾土之生熟播種之遲速鋤苗之疎密率多未悉不如北人之習諳不便者二農夫履畝之外別無生計恃耕穫爲性命心力較專勇丁以餘力耕田冀於口糧外另獲賞賜而自恃仰食於官視爲無關輕重鹵莽滅裂在所不免不便者三民耕每頃統計費不過二百金一歲之後堡寨廬舍牛具食用守爲常業官軍即可歲歲坐收其利勇丁每名歲餉雜費約五六十金除操練之日須以四人耕百畝每歲卽非二百餘金不可而牛具糞種不與焉再加獎賞之需計百畝之費總在三百金以外奉調之後縱有農民接種其堡寨廬舍守具又將重費卽令終歲耕而不戰費已倍於民耕况又無終歲

文誠公集

函牘卷一

十三

天津華新印刷局代印

耕而不戰之理不便者四反覆籌思不如徑用民屯之爲善至鉅款難籌誠如偉論然保恆前議謂歲請二百萬者以歲屯萬頃計之也降而五千頃則不過百萬再降而二千五百頃不過五十萬以畝分五斗計之二千五百頃歲可得穀十二萬二千五百石已足供三萬人之糧此外屯丁每畝自分之五斗必半食半糶就近收糶又足供萬餘人之糧不必遠處採買其省費省力固已無窮而要非及時定見先事籌款遲一日卽遲收一日之效似宜剴切陳明請

旨飭部通盤籌計於兵餉之外歲實能撥經費若干撥多則多辦撥少則少辦不必拘定數目俟有成規然後逐歲擴充或亦

權宜之道收成之後以二千五百頃得糧十二萬餘石計之可省現餉採買銀三十六七萬兩如數扣除以爲續辦經費續撥之款亦可節省過半保恆所謂屯田刻不可緩者此也夫大臣謀國事事當爲數千百年之計濟現在之軍食卽以爲永久養兵之費政莫善於此矣顧不先定規模於舉辦之始卽高瞻遠矚謀及長久枝節而爲之恐不克成功至每堡百五十人不敷守禦儘可百頃共一堡每堡佔地縱廣四里有奇亦足聲勢相聯因地爲之可也保恆天資魯鈍遇事不憚苦思詳辨以求一是冀可見之施行謹再貢狂瞽以備採擇

又

文誠公集 函牘卷一

十四

天津華新印刷局代印

再同治二年前陝撫具奏辦理西回二府叛絕各產情形雖奉諭旨此項地畝與其招墾不如作爲屯田可以絕回民之覬覦兼可節省兵費寓兵於農如能作爲旗兵之產尤屬合宜等因欽此當事者未能仰承

朝廷深遠之意雖創辦營田名是實非仍係招墾其時慮滿兵不願躬耕經費無從籌措爲遷就之計亦不得不爾後聞查出之地三千餘頃認墾者止一千餘頃且不爲之築堡謀守耕者終歲勤動冀獲升斗一旦賊至擄掠一空屠戮極慘縱有存者鳥驚獸散不復能耕是以至今荒蕪如以屯田之法行之官爲給費使可守可耕耕穫之後計畝均分卽以爲駐防滿兵口糧

在滿兵不耕而食無礙操防於公於私均無不宜以三千頃計之費不過六十萬而歲收足供六千滿兵人馬糧餉而有餘朝廷從此歲省三十餘萬之額餉矣可否與將軍安商仍遵前旨奏請行之若慮滿兵經營或如近京旗地之滋弊另爲設官經理亦無不可總之惜小費者萬不能興大利而非常之事必待非常之人保恆數年前卽建屯田之議常苦落落難合今幸我公所見略同冀得一抒忠愛况我公負海內重名受西陲重寄嘉謨入

告必見

允從若不及今圖之是保恆好從事而亟失時也豈不重可惜

文誠公集函牘卷一

十五

天津華新印刷局代印

哉

致李少荃中堂

半載追隨諸承陶鑄慈雲寺一別依戀至今比想福星載路已隨岱宗霖雨灑徧東山傾祝如何保恆奉

諭迂道太原當於請

訓時向樞廷諸老說明卽於二十八日就道小陽十二日抵晉謁見小山年伯籌商一切並向官紳逐細訪問知晉省河防自去歲疎虞後各當事亡羊補牢痛鑒前車舫仙廉訪振刷精神力圖補救增募勇丁添設礮壘小山年伯復親臨河上周歷查勘添調本省標兵協同防守並於邊牆以外由包頭鎮歷薩拉

齊清水河托克托各廳河流平緩處築堡修牆以爲險固以人事論之已較去歲嚴密加倍實力堵禦當可無虞惟是秦晉之交河路綿長一千六百里百密一疏全河盡廢現在逆回已竄至宜川與吉州對岸欲由去歲舊路撲過雖暫擊退尙未知竄向何方刻刻可慮况延榆綏三屬土匪潰勇到處縱橫與回逆合計爲數不下二十餘萬若處處撲犯則處處喫緊此全晉河防雖較前嚴密而究無把握也然以將及兩千里之河路就令增兵一兩萬分布河干仍屬無濟卽以今年運河防務而論由張秋至減河不過千里以四五萬衆防之中間尙有四五百里借資民力可以比較而知縱謂黃河險於運河而十月中旬以

後河保以北已段段結冰車馬如履平地較運河淺涸時尤不足恃此可爲寒心而又斷斷不能驟增四五萬兵專事防堵者也夫兵法備多則力分有進戰一尺無退守一寸卽如賊有萬人以萬人合而剿之則有餘以三兩萬人分而防之則不足理勢然也季帥關顧大局雖在京有任剿不任防之說聞現已先派卓勝軍由同朝沿河北發第其現有兵力統計不過四萬若與二十萬賊馳逐於萬山叢雜之中無論自南而北自東而西從何處入手賊股既衆竄路又多深恐顧此失彼必有鞭長莫及之處又將何恃而不恐計惟有另籌大枝勁旅由晉境北路渡河徑赴綏榆無論回逆土匪見賊卽剿縱不能一氣掃蕩三

兩仗後賊鋒一挫必可與南路之兵聯絡並進驅賊出山晉疆
防守一律鬆緩矣由此西進歷懷定靖安花馬池而指甯夏不
惟與南軍左提右攜日見有功草地竄路亦一律截斷歸綏各
城永無繞竄之憂矣此三萬衆者除張宋兩軍業經奉

旨撥定約計一萬四五百人餉項已有著落不過再籌萬五千
人耳竊計豫軍無可再撥淮軍惟劉省三候

旨駐紮不敢指調此外如武毅如勳字如盛字如慶字等營如
執事親軍馬步及開花礮等隊約計總有兩萬餘人留備彈壓
地方總可抽撥數千其將領除郭子美請假外如吳小軒周薪
如王萬釗均係數千人統領之才且皆銳意立功派令西來當

文誠公集函牘卷一

十七

天津華新印刷局代印

無不願皖軍除郭善臣已在左營聞程從周尙留勇四千此外
小枝亦尙不少約計總有萬餘人其中精悍如李捷三得勝原
帶二千人亦一時之選穀山制軍所最愛重者除備彈壓地方
亦可抽撥數千總之此萬五千人者無論如何酌配要在萬不
可遣散卽不抽調亦必須養以待用者撥派以素練之兵因現
有之餉事莫便於此者萬一各本省力有不給或由兩江等處
津貼若干亦惟執事與穀山制軍通籌之保恆非不知各省籌
餉維艱然譬如山東捻匪再遲一兩年未平亦理之所有而東
南督撫重臣不能不勉力接濟者也凡事作如是觀則無可設
法之中亦必有道以處此季帥現雖諱

旨飭籌歲餉四百萬奉

諭令東南各省於稅釐項下統籌聽撥竊意

諭旨所指各省洋稅暨土貨各釐除本省留用斷不止僅有此數似津貼亦斷不至無可設措且以山東遣散兵勇計之淮皖豫三軍數逾十萬卽遣散一半已騰出五六萬人之餉宋張郭三軍所用仍係舊有之餉尙不在遣散五六萬人之餉數內也季帥所請四百萬之餉乃於其從前指撥七百萬之中撙節核實並非格外加增亦不在此遣散五六萬人之餉數內也輾轉思量似此萬五千人之津貼決非無計可籌也明矣然此種種皆以津貼一項而言若此萬五千人均因原有之餉則更無煩

文誠公集

函牘卷一

十八

天津華新印刷局代印

籌議矣近日季帥有選募淮軍駐紮歸化城之奏或以邊外平沙大漠用步不如用馬而風土嚴寒非南軍所能耐是以未蒙俞允小山年伯有飭張朗齋駐榆林之請已荷俯從特朗齋兵力尙單僅能保障一隅不能補益大局尙難深特要之與保恆此議皆引伸觸類互相發明倘蒙不棄芻言絕無意見不同之慮至兵餉籌定後與豫軍合力西征若慮諸將不相統一或令保恆奔走其間仍如在山東時但期於

國事有濟一切名目分際皆所不爭而尤以統歸季帥節制調度爲最要是卽執事所謂事權貴一而筱舫年伯所謂一事權之說第此一事似當歸季帥主持蓋保恆係歸季帥差遣之人

義各有當也現已抄稿並達季帥保恆亦卽馳赴西安再行當面籌商隨時飛佈遲速具奏統候鈞裁伏維執事當人臣之極地受

倚畀之殊恩非偏隅封疆可比以九重之憂樂爲憂樂以四海之緩急爲緩急自能不分畛域兼顧統籌不勝傾仰翹企之至

致左季帥

送別行旌莫名依戀旋以陳給諫條奏奉

旨飭少荃協揆與長者函商覆奏荃帥以西路情形未能懸揣囑保恆迂道太原查訪並面商長者函覆再行具奏曾於出都

文誠公集

函牘卷一

十九

天津華新印刷局代印

前肅函奉聞想荃帥亦當函布矣嗣於九秋二十八日登程小陽十二日抵晉陽徧訪晉省防務較去年已增嚴密而河路綿長兵力終單若議增兵卽再調一兩萬人分佈於一千六七百里之間亦不爲厚拙見備多力分退守不如進戰似仍以剿爲防較稱得計兼可助雄磨一臂之力現已詳細函達荃帥志在不勞長者籌兵籌餉而得協剿之力是卽區區所以圖報也抄稿呈電未識卓見以爲可行否昨於獲鹿途次接准大咨知蒙奏請令保恆自募一軍前赴歸化並與定將軍會奏軍情敬讀之下惶悚難名竊思保恆此番奉

命從征本係歸長者差遣深喜親炙名賢藉聆教誨卽在京曾

有追隨帷幄不如效力行間之請亦不過就近聽受指揮稟承節度非欲別開生面也乃過蒙推獎謬加委任欲使統軍塞上惴惴私衷深以無所依恃爲懼或者願效馳驅之意仰慕山斗之誠與恪遵

朝命之本心尙未蒙長者鑒諒耶竊擬卽奉

允准亦當剴切自陳以明其不敢妄希榮寵自速咎戾幸聞未荷俯從是保恆謹懷素志幸得如願以償欣忭無量此次發緘後擬卽取道平蒲徑馳左右晤教當在冬至以前量才器使惟長者陶成之但於

國事有裨名目分際均所不計也

文誠公集函牘卷一

二十一

天津華新印刷局代印

覆左季高宮保

使還捧誦手書敬諭臺候曼綏乘時布德式如私祝保恆職在饋軍不能使十萬荷戈無虞匱乏僅於歲時達弟子愛敬長者之忱迺蒙獎藉殷彌益厚顏降衆安置化平川勒以營伍董以有司自是久安之策保恆之愚謂回紇之入中國千有餘年食毛踐土同是

朝廷赤子本自一視同仁而梗頑不化畛域自分動生仇隙良由不奉正朔少讀詩書未通婚媾故以異類自居心懷叵測此時耕鑿之外宜以教化爲先永不許建回寺誦回經立阿渾戴尖帽延師教讀非聖賢經傳不准誦習頒歷授時非年節慶賀

不准朝拜日久漸摩

聖化滌蕩腥臊數十年後強梗漸消性情漸改或不至再生他變竊計我公於彼族有再造之恩而威足以懾之當無不惟命是聽從此永絕亂萌兩省生靈之幸亦萬世史冊之光也金積指日可以大定額頌無量而硜硜之見竊謂善後諸事有當以全力注之不容因陋就簡者蓋甯靈當賀蘭山之陽在北方氣候獨暖又擅黃河溝渠沃饒之利粳稻魚鹽不仰給外來故元吳得之能以一隅抗拒與有宋爲終始况在今日當秦隴中外之交實經武之地而扼要之區也若簡重臣設重鎮因膏腴數萬頃養勁卒十萬人南向可以統馭兩省西至嘉峪關東至張

文誠公集

函牘卷一

二十一

天津華新印刷局代印

家口一望甌脫皆數千里道途平坦兼有黃河水路可通較之內地崎嶇勞逸迥殊有事則控制新疆屏障

畿輔聲息易通而緩急可恃因利乘便未有善於此者嘗恨從前經理未能盡善有此天造地設之衝要而不能盡其用未嘗不爲之扼腕太息也馬化澹處心積慮數十年蓄謀而動今幸仰賴妙算攻心一朝蕩定實千載一時以我公不世出之才當大有爲之會謂宜高瞻遠矚爲

國家圖萬世之安必非苟焉而已也聞之饒子維孝廉長者欲請移都統於金積而請移京旗以鎮之誠一舉三善然向來滿營駐紮之所類多武人而又不歸文臣節制呼應旣多不靈兵

力亦殊難恃爲日既久祇有虛名而無實際似亦不可不先時籌及保恆尤有慮者海上風波終必不免西北事竣更將有事東南天下財力只有此數斷斷不暇兼顧然則陝甘兵餉若求仍如向例仰給協撥勢有不能惟有乘此機會不惜重費開屯養兵爲一勞永逸之策盡籍其肥饒官主之民耕之兵食之通計靈甯沃壤不下四萬頃一切由官給發除牛馬就近購之蒙古較內地節省約費四五百萬分三年開辦歲不過百餘萬而日後省養兵之費不啻倍蓰矣以保恆現辦涇陽屯田四百頃準之四年之穫可抵還用款過此以往皆長餘也看似委曲煩重而經久未有逾於是者伏望長者深籌而力主之捐輸非保

文誠公集

函牘卷一

二十二

天津華新印刷局代印

恆本願祇以任事之初日擊支絀情形慨然思有以補救艱難然非可恃以爲常計自改辦以來共收一百數十萬石恐此後勢成弩末矣前請酌增鹽價各處覆函均有難辭恐成畫餅竊意金積定後各路防剿之師大可歸併但能減卻萬人則此事可以中止况長者負一代盛名毅然停此弊政亦天下後世所共欽仰元老之盛舉保恆亦與有榮施矣春夏之交未知能有定商否渠工奏案聞樸山中丞不日會銜拜發從此仗老成領袖得遂利濟私心慶幸無極惟工程浩大勸捐能否敷用尙不可知且總理者難得實心強有力之人仍不能不仰勞提倡耳昨聞王孝鳳太常沈吉田太守傳述長者有錄及微勞之意莫

名感悚伏念保恆從軍垂二十年向不欲與戰士爭爵賞之榮誠以過情之聞與非分之

恩不可幸邀也倘蒙長者不棄但於陳奏時述及不惜心力亦不妄希

賚子俾

聖明在上俯鑒庸愚知其不敢違戾庭訓亦不敢上負

國恩則先公九原亦當銘感不獨保恆仰荷成全已也前與孝鳳吉田談次有不能盡以下懷罄告者恐於侍坐時未能曲達苦衷謹再覩縷及之舫仙到金積後規畫如何能否一遵指授想日來已有稟至伏乞示慰爲叩

文誠公集

函牘卷一

二十三

天津華新印刷局代印

致豫省當道諸公

今歲蝗旱爲災比比皆然弟到後目觀敝處情形並於各路來弔者詳加訪詢見聞所及敢爲執事陳之敝處春夏之交稍得雨澤究亦未能霑足麥收不過四成秋禾勉強播種詎飛蝗自東南蔽空而來禾稼皆傷豆穀爲甚農民現多犁去豆穀趕種蕎麥期於稍穫而蝗子生蝻又將出土倘再雨澤愆期晚秋亦無望矣弟昨昨過周家口有睢杞之民結隊逃荒者見敝處如此慨然曰不如歸而餓死家中耳弟聞之愴然爲每人給五十文遣之卽所遇一起已費去二十五千其他更不可數計力不從心徒深扼腕光息以北旱災尤甚自春迄夏未得透雨早稻既

未登收晚稻又將就槁聞近甫得雨而蝻生徧地禾苗爲禿饑
饉之狀不忍入目鄆城以西至南陽始終未霑雨澤哀鴻徧野
目前已有饑民聚衆強食富戶之事爲日方長未知伊于胡底
河陝一帶旱亦如之據來人云流民陸續逃出潼關者以二十
萬計陝西聞亦歉收客民難期存活東歸終成餓殍轉徙已屬
可憫滋事尤爲堪慮至河朔三府弟經過時已苦旱乾聞近來
仍復不雨竟不知是何景况似此情形吾豫全省幾無完膚小
民生計已窮

國課從何完納凡此困苦流離情狀當均在大君子隱憂熟計
之中因思山西旱災與吾豫大略相似業經晉撫奏懇

文誠公集

函牘卷一

二十四

天津華新印刷局代印

聖恩截留京餉以備賑撫並分別議緩議蠲豫省可否仿照辦
理倘蒙

俞允則小民普霑

聖澤無非

執事痼瘼在抱之盛德豫民淪肌浹髓當世世不忘弟本不敢
妄參末議第恐銷假回都

朝廷詢及弟若不以實對上無以告

君父下無以謝桑梓若貿然直陳又恐執事尙未入

告兩不相符躊躇再四不得不據實奉商惟執事教之

又

弟家居附近周家口深知該處釐局騷擾抑勒偷漏中飽弊端不可究詰近年以來行旅爲之裹足商賈日益蕭條釐捐漸形減色職是之故此次詳細查訪委員廉謹局丁亦不似從前強橫而私放中飽積習如故由丁差以及司事層層隱漏比至委員耳目所及爲數已不及十分五六矣細訪紳商所抽養勇修寨經費每出入千錢抽取二文每月尙有千緡之多查核釐局稅章比紳商抽數約逾五倍以少計之當有五千緡每年通計當有六萬緡何至僅有二萬金歸公此中不實不盡不待問而知愚拙之見不如仿照紳商辦法改歸行戶收繳慎選公正紳士稽查委員但管坐收裁去分卡局丁司事既省耗費復免擾

文誠公集

函牘卷一

二十五

天津華新印刷局代印

累不惟收數較爲核實商賈亦將日加聚集矣私心更有竊冀者陳郡七屬倉儲蕩然無存書院多半廢弛文教荒政兩無所賴倘周家口釐務仰蒙俯采芻言改革辦理每年共收釐金若干除按照近年解庫數目仍每季以五千金爲定無論下餘若干均歸陳郡七屬書院積穀經費士民感戴當終古不朽於庫款無損而於地方教養大有裨益當亦大君子所欣然樂從者各處旱蝗爲災民不聊生糧米爲生民大命可否飭局一律免收釐捐並懇中丞奏請於鄰豫各省一律免釐亦莫大功德也

致李子和中丞

魚書往復屢奉華函鵲報飛來喜聞

簡命欣諭

眷篤九乾榮持雙節

帝借寇恂用蘇蒼赤人敬僕射本若父兄德徧兩河忱傾五內
侍西曹碌碌無補時艱昨者恭奉

恩綸命回豫幫辦賑務桑梓之地不敢不竭盡愚誠幸遇我公
兼領全圻主持大局素仰公忠體

國偉略匡時闔省災黎必皆出飢寒而登衽席可爲預慶惟念
災區甚廣賑日甚長前次所發帑金及各項爲數雖多而豆剖
瓜分恐將告竭現在籌賑以集款爲急務而且非鉅款不濟晝
夜圖維擬先撥借兩廣捐存生息銀十五萬兩再於兩淮鹽務

文誠公集

函牘卷一

二十六

天津華新印刷局代印

酌量加捐並以本省丁地指作的款冀可向各處騰挪濟急昨
已瀝誠拜疏入

告並於奏對時剴切敷陳幸已仰邀

俞允謹將奏稿錄呈查照擬數日內卽行束裝就道一俟趨至
汴垣再當詳求指示俾得遵循

致劉硯莊制軍

敝省連年無秋蓋藏早罄今歲異常亢旱遂致奇荒滿目哀鴻
嗷嗷待哺日前渥荷

朝廷發帑截漕爲數不爲不鉅奈被災者八十餘州縣瓜分豆
剖轉瞬已將告竭不得不急籌接濟以備發放業經拜疏入

告於各省存儲備用之款暫且先行撥借均指河南開徵後以地丁正款清還幸邀

交部議准所有首先請撥貴處捐備存款十五萬兩計已奉到寄諭務懇迅賜飭撥俾得早到汴中一日則飢民早沾一日之恩此外無論何款且可移緩就急統望雲天援手素仰體國公忠必能力顧大局慨允挪濟不俟弟之瑣瀆也

致邵汴生中丞

弟西曹碌碌無補時艱昨者恭奉

簡命回豫幫辦賑務敝省困苦情形已在洞鑒之中幸蒙大疏直陳數十州縣災黎始復上達

文誠公集函牘卷一

二十七

天津華新印刷局代印

天聽惟是災區既廣賑日綦長計截漕發帑之金已將告竭而小湘中丞所請息借洋款二百萬部議又不准行滿地哀鴻嗷嗷何待弟既荷

責任之重况在桑梓之邦綆短汲深籌思無措不得已奏請於各省各處存儲備用之款先行撥借均指河南開徵後藩庫丁地如數清還幸蒙

交部議准因思貴疆財賦之區曩日胡文忠籌濟數省動集鉅萬茲承平已久必有贏餘特此專函布懇務望執事軫念荒區俯加援手不拘何項何款多多益善代爲籌撥仍照奏定章程歸還在楚不過移緩就急在豫即可積少成多飢寒垂絕之民

均飽仁人之德矣尤望迅爲示撥俾得早到汴垣一日卽早邀
一日之隆施救災恤鄰想亦大君子所樂爲不俟弟之瑣瀆也
致沈幼丹制軍

侍待漏東華毫無樹立近以敝鄉被旱民困已深被

命回豫幫辦賑務豫省兩載薦饑蓋藏早盡哀鴻滿地待哺嗷
嗷幸荷

聖慈發給帑金救災黎於垂絕而災區甚廣賑日甚長非再籌
大宗巨款明春斷難接濟侍受

命以來夙夜祇懼既恐無以紓

宵旰之憂更恐無以慰梓桑之望再四圖維不得已擬於淮南

文誠公集

函牘卷一

二十八

天津華新印刷局代印

鹽務中藉資挹注業經拜疏入

告並於奏對時剴切敷陳

聖德如天垂念災黎極深軫恤素仰執事公忠體

國偉抱匡時必能拯數百萬飢民於將斃使溝瘠回春皆慶更
生之望兩河父老引企仁施固不僅侍一人頂祝也日內卽當
起程俟到汴體察情形與子和河帥妥商後再當續布

又

再頃抵保陽晤少荃相國籌商豫中賑務情形深爲焦灼因計
及明年江安漕米九萬餘石現已改爲海運侍擬到汴後奏懇
天恩全數借撥以濟河南明年春賑之用

皇上子惠元深仁厚澤諒可仰邀

俞允特此先爲布達務懇飭令早爲催辦一俟奉到

諭旨卽祈飭催剋日起運津門俾得設法派員由揚州溯運達
洪湖入長淮以抵豫境迅濟急需公忠高誼舉國同瞻而侍之
感戴隆情有逾身受矣

致粵海關俊星東觀察

敝省災區旣廣賑日甚長非得巨款大宗不足以資接濟昨已
拜疏入

告請於各省各處撥借兼行均指河南收成開徵後藩庫正款
清還幸蒙

文誠公集

函牘卷一

二十九

天津華新印刷局代印

交部議准現於各省可以撥借之處盡力籌商尊處爲粵東精
華所萃閣下素著精敏轉瞬蟬聯必能綜理關務更遠勝前人
忝在知交擬請於尊處存儲項下慨假二十萬金以資接濟或
卽作商人之項照弟奏定章程加息書票均無不可所期多多
益善並望以速爲佳將來賑事稍安弟必與子和中丞上達
天聽用酬雲誼於無旣也

致津海關黎召民觀察

敝鄉亢旱頻年哀鴻遍地災區旣廣賑日甚長非得巨款大宗
不足以資接濟業經戶部議復仰奉
恩綸允於各處撥借銀項無論官商票號均照一分加利指河

南藩庫丁地正款償還另函懇朱雲甫觀察擬於京津裕豐華裕豐兩號先借銀二三十萬兩仍照市間匯借之法付息清還特懇代致鄙忱囑其萬無疑阻將來斷不致歧誤也再聞津門運備平糶之米共九萬石刻下京師止需三萬石其餘六萬石均撥借作河南賑放之用亦已函致雲甫兄請其將實價及運費每石若干詳悉示知以便至保定見爵相時籌商奏明辦理素仰執事公忠體

國念切痼瘵均祈鼎力成全實所至感

致江甯孫琴西方伯

敝省連歲無秋今春凶旱異常赤地千里遂致哀鴻數百萬待

文誠公集

函牘卷一

三十

天津華新印刷局代印

哺嗷嗷幸荷

朝廷發帑蠲漕而地廣人多隨分隨竭弟既膺任使誼切維桑夙夜焦思徬徨無策不得已奏請於各省各處存款廣爲撥借以資接濟均指河南丁地正款歸還業蒙

交部議准刻擬先將江安糧道積存節省運腳銀二十萬蘇滬牙釐局平餘色餘存款銀十數萬上海道庫發商生息款六十六萬悉數挪借移緩就急年歲轉豐卽由豫省丁地正項如數歸還或援商借之例照章付息均無不可除致幼丹制軍外伏祈大君子鼎力垂照數則多多益善到則以速爲期素諗報

國公忠匡時偉略必能大力扶持蘇此民命在敝鄉同拜肉骨

之仁在不佞尤戴援手之惠臨風神溯望盼靡涯

致上海劉芝田觀察

敝省奇荒被災者八十餘州縣哀鴻滿地苦不忍言不得已奏請於各省各處先借存款以應急需均指河南藩庫正款如數清還幸蒙

聖慈交部照議准行伏聞尊處存生息銀近六十萬擬由豫中全數承借除函達制府中丞方伯各處外素仰執事公忠體國偉略匡時特此函懇垂念豫省災黎嗷嗷待哺早爲劃撥到汴以救燃眉凡此白叟黃童皆飽仁人之德固不止弟一人之頂祝無窮也

文誠公集函牘卷一

三十一

天津華新印刷局代印

致何子永觀察

敝省被旱者八十餘州縣哀鴻滿地待哺嗷嗷賑日甚長非多集巨款不足以資接濟不得已拜疏入

告請於各省各局存款內先行撥借卽指河南丁地正款如數清償幸蒙

交部照議准行頃聞蘇滬兩牙釐局自補帆中丞創辦時卽存有平餘色餘各款子青中丞亦提用無多此數年積存當又不少特此端函奉懇年伯大人賜爲全數撥借豫省以顧要需並懇迅爲匯兌來豫俾解倒懸之急素仰蓋懷報

國偉略匡時必能濟此艱危俾白叟黃童合豫災黎皆飽仁人

之德固不止姪一人之頂祝無窮也

致姚訪梅

昨奉

恩命回豫辦賑中州連年亢旱久在鑿中今歲滿地哀鴻嗷嗷待哺非得多集巨款不能徧救災黎不得已拜疏入

告請於各處撥借無論官商均照一分加利指河南藩庫有著之款清還業經戶部議復准行仰蒙

恩允昨聞榮仲華司農述及朱雲甫觀察京津各銀號資本甚豐特專函向借銀二三十萬兩仍照市間匯借之法付息清還由姪經手始終其事特乞姻丈代致鄙忱囑其萬無疑阻早濟

文誠公集

函牘卷一

三十一

天津華新印刷局代印

要需是所切禱又聞運備平糶餘米尙有六萬石頃亦函商雲甫觀察由豫中一律承借姪此行匆促未遑迂道析津一親光霽夙仰台端任事彊毅精敏過人日後仰資鼎力爲事實繁兩河父老共仰仁施屬在葭葦彌殷感企此次附致各處函件均乞費神交付代促復書迅寄保陽尤爲至叩

致招商津局朱觀察

近奉

命回豫幫辦賑務敝鄉連年亢旱今歲又兩季無收以致八十餘州縣均被奇荒滿目哀鴻嗷嗷待哺非得大宗巨款不能支持接濟以待融和業經奏奉

俞允准於官商各處撥借銀兩卽指河南藩庫正款加息償還雖係挪借因公實與商業有無相通市易章程無異昨聞榮仲華金吾談及知都中近日所設裕豐匯兌銀號與天津華裕豐兌號均爲資本甚豐原係執事指揮所及可匯借轉移之處素仰俠腸古道伉爽性成故不揣冒昧專函奉懇擬在貴號暫借銀二三十萬兩照章付息指河南藩庫正款歸還皆由弟經手始終其事此係奏明奉

旨交部議准之件決無歧悞參差較之民間尤爲穩妥諒必蒙俯允以濟艱危而弟尤深感激也再聞此次由輪船運到京師平糶之米到津已九萬石現在京城止需三萬其餘六萬弟卽擬全數借用運豫以救目前之急並望迅將米價運費每石實需銀若干詳悉示知弟至保陽卽與爵相面商奏明辦理凡此皆係上報

朝廷下濟民生之務均望鼎力成全不惟將來

懋賞酬庸卽此救拯數百萬饑民其造福豈有限量耶弟卽日起程回示望專馬飛遞保定行次以便就近辦理是所切禱

致李中堂

昨承

恩命回豫幫辦賑務敝省連歲旱荒蓋藏早盡災區延袤幾二千里待賑饑黎逾數百萬流離失所筆難罄述久在仁者洞鑒

之中前蒙

朝廷頒發帑金拯豫民於垂絕而我公仁施廣被周匝靡遺中州白叟黃童無不戴德但至今無雪賑日甚長前項到豫豆剖瓜分恐將告匱晚仰承

簡任誼切維桑敢不殫竭心力再四籌思現在情形籌款爲急務而籌款非大宗不可擬先借兩廣捐存生息銀十五萬兩以紓眉急業經拜疏入

告並於日昨奏對時瀝陳幸邀

俞允特此專緘敬布伏乞加緘告粵迅爲撥兌俾得早到汴中一日則饑民早沾一日之恩此外擬以本省地丁指借各處存

文誠公集

函牘卷一

三十四

天津華新印刷局代印

款商款今日已經戶部議復准行茲蒙聖慈俞允謹將疏稿先呈臺座日內起程俟趨至保陽謹當恭謁崇墀面陳誠悃先此布懇

致左相

初八日奉

命回豫辦賑敵鄉連年薦饑十室九空蓋藏俱盡刻下哀鴻遍地待哺嗷嗷幸荷

朝廷屢降德音特發巨帑惟災區延袤幾二千里待賑饑黎逾數百萬左藏既無可請發本省又無可羅掘姪拜命以來夙夜祗懼既恐上無以釋

宵旰之憂更恐下無以慰梓桑之望昨恭疏瀝陳均蒙
聖慈鑒允疏草錄呈台鑒長者鈞陶萬類睹此災荒當亦爲之
心惻也附上白參鹿尾微物聊以將意伏希賜納爲幸

致江蘇吳中丞

前奉惠書當卽泐復寸函諒發籤掌敬惟因時篤祐順序延釐
引首兼圻傾心百祝弟近奉

恩命回豫辦賑吾鄉災况久在鑒中至今無雪流亡溝瘠不忍
殫述災區延袤二千里待賑饑民數百萬各處捐助之資一到
汴垣豆剖瓜分立行告匱此時卽款項應手趕緊購糧分給尙
恐不及况巨款直無可指赤手空拳其何以濟拜

文誠公集函牘卷一

三十五

天津華新印刷局代印

命以來夙夜祗懼深恐上無以紓

宵旰下無以對梓桑昨已瀝誠拜疏入

告請於各省存款局款廣爲撥借先救奇荒均指河南將來開
徵後藩庫正款償還幸蒙

交部議准全豫災黎稍有生機伏聞上海道庫有存款五六十
萬向係發商生息近皆提存道庫江南糧道有積存運腳節省
銀二三十萬除合肥爵相借封銀十萬外尙存三十萬蘇滬兩
牙釐局存平餘色串底餘十數萬擬均悉數挪借移緩就急有
通挪而無虧損揆衆君子救災恤鄰之誼必當慨允抑或未
經奏明之款或竟援借用商款之例由豫照章付息均無不可

前承倡捐籌賑仁施廣被周匝靡遺鄉人莫不感佩特用專函
布懇商之幼丹制軍早一日定議迅爲撥借多儲一粟卽多活
一命轉移間造福無量在鄉閭同荷肉骨之仁在不佞亦戴援
手之誼臨風神溯感盼無涯謹將疏稿拜呈台鑒餘容至汴續
布

再上海爲羣商所匯胡道光塘前遇艱窘時每能通挪百餘萬
頗有成效頃已專函懇其爲豫籌借未諗能否應手倘荷執事
加函諄屬或渠因公來謁時面爲切囑庶可仰藉鼎言不啻更
拜仁惠也

致廣東馮子立太守

文誠公集

函牘卷一

三十六

天津華新印刷局代印

弟近奉

恩命回鄉辦賑吾豫當此奇荒極困之時每聞汴省人來均言
道殣相望慘不忍睹前蒙

朝廷發給帑金米石計算不日將竭麥既未種自春徂秋爲期
尙遠無米難炊再四籌思巨款既不易籌莫如聚少成多且可
移緩就急是以拜疏入

告請於各省各局存儲豫用經費中廣爲借撥均指收成開徵
後藩庫丁地清還並移借商款照商章一分予息總期集腋成
裘得濟艱危幸蒙

交部議准惟念秦晉毗連之處一律被災無從設法東南各省

均不能不借箸籌商粵東素稱富庶之邦儲款必有贏餘大賈富商所在皆是特此專函奉懇素知枌榆念切既已解囊仗助必更能假手代謀不拘經費存款下至華商票號均可通挪數則多多益善運則以速爲期必有籌於弟所不及籌者悉照弟奏定章程辦理公私兩盡是所望於仁人之大力精思也再弟此次疏請以劉研莊制軍有備存洋務生息銀三十五萬暫擬撥豫省濟急已蒙

聖慈特允所請研翁必已奉有

寄諭計此款尙是現成務懇大力維持得以從速兌豫早到一日卽早活饑民一日之命救焚拯溺迫切莫名想仁人必已慮及也

文誠公集

函牘卷一

三十七

天津華新印刷局代印

致梅筱巖中丞

鷗程遠隔鴻采常違每懷芝儀倍殷葵尙敬維簪裾集祐旌蠶宣勤布冬愛之新猷風清兩浙卜春溫而晉秩

露湛

三霄引首兼圻定符私祝弟秋官承乏碌碌無常昨奉

恩命回豫幫辦賑務敝省連歲無收蓋藏俱盡今年又遭亢旱

遂致奇荒被災者八十餘州縣雖荷

朝廷發帑截漕不惜鉅萬而瓜分豆剖轉手將空弟竊計災區既廣賑日又長非得大宗巨款不足以資接濟業已拜疏入

告請於各省存借備用款中先得撥借均指河南收成開徵後
丁地正款如數清償幸蒙

交部議一律准行特此專函布懇伏聞尊處海塘豫備經費及
運庫存款各有贏餘擬作移緩就急之計務祈指撥若干以紓
災民之困數則多多益善運則以速爲期素仰執事體

國公忠匡時偉略必能不分畛域救數百萬生靈於垂絕之時
造福無窮固不僅弟一人之頂感也

致衛靜瀾方伯

弟蒿目時艱杞憂正切昨奉

恩命回鄉幫辦賑務吾豫窘困情形久在洞鑒之中遍地哀鴻

文誠公集 函牘卷一

三十八

天津華新印刷局代印

道殣相望前蒙

朝廷發款暨各同鄉諸公捐助之項陸續到計計算一經分割
致難支持冬底遑問春初非得大宗巨款不足以資接濟業已
瀝誠奏請先以兩廣之十五萬現款提借並在兩淮殷商勸捐
均蒙

聖慈特允又請於各省存款及預備經費之中廣爲撥借先紓

災區之急均指河南收成開徵後藩庫有著正款清還亦蒙

交部照議准行伏聞浙中海塘經費及運庫存款各有贏餘除
函致後嚴同年外特此專函奉達卽祈酌量分別撥借或作爲
商款由豫照章付息均無不可以多爲善以速爲期早到一日

則活饑民一日之命素仰執事情深桑梓必能更籌於弟所不及籌者惟懇迅爲借撥共拯艱危在鄉里受肉骨之仁在不佞尤戴援手之惠臨風翹首感盼無涯謹將奏稿抄呈青鑒

復徐傳宗觀察

接奉由元豐玖遞到惠函並助銀五百兩具見痾瘵懷抱既盡濟施之誼并籌拯救之方仁人用心抑何詳盡比維蓋籌勞勩履祉綏康當如遠祝豫中時艱款絀數月以來籌米籌銀頗勞策畫而臺運艱阻外省借撥款項亦遲遲不來局庫之空依然昔日嗽鴻徧地赤手支持其何以濟日來南岸各災區雖有得雨深透之處河北望澤猶殷惟冀甘霖迭霑得以轉歉爲豐耳

文誠公集

函牘卷一

三十九

天津華新印刷局代印

正在封函間又奉來函藉諭錦旋在卽想邇時從者業已啟行矣率復數語以當面譚

致胡雪崖觀察

敝省連歲無秋蓋藏早盡今年又遭凶旱遂致赤地千里八十餘州縣同罹奇荒徧地哀鴻嗷嗷待哺弟夏間回里親所目擊慘不忍言是以飛函告急求助於仁人嗣於回京後復面詢臺端前次通融華款情形比時弟尙在局外擬據以上言請交當事辦理蓋明知災區旣廣賑日甚長非得巨款大宗斷不能接濟數百萬飢民以待融和也刻下忝奉

畀任之重又係桑梓之邦更不敢不殫竭血誠力圖補救疊次

蒙

恩發帑截漕爲數雖鉅然統計災黎僅數冬賑來春仍無所措
惟有仍求鼎力向各華商將九月內所還前借之一百萬兩仍
復借回以濟眉急卽或不能如數總以六七十萬爲率方足以
資接濟而拯奇荒至歸還此項卽指河南本省來年丁地正項
何時開徵卽由藩庫提撥清償業將各情瀝誠拜疏入

告請

旨宣行而

上意以事關重大交部速議刻已議准奉

旨依議以有著之銀歸息借之款一切均照舊規辦理斷無參

文誠公集函牘卷一

四十

天津華新印刷局代印

差遲悞之可虞決不致使執事受累節摺稿呈閱專函奉懇
大君子念與弟多年同事之誼擴古人已飢已溺之懷卽如教
弟切已剝膚之急迅爲力籌此款上以慰
宵旰之勞下以解生民之因素仰公忠體

國偉略匡時旣已慷慨解囊更望盡勤假手感戴隆情當舉全
省之蒼赤而頌禱之固不止弟一人之頂祝無盡也且報

國救民

帝心默契明春賑事粗定弟亦必酬答雲誼以盡鄙忱書不盡
言伏希聰察臨穎企禱之至附呈北地食品鹿尾杏仁數事聊
佐辛盤伏惟莞納

復張漢仙觀察

接奉手書備荷至言策勵感泐莫名豫事災廣財絀自不待言此次奉

命而來總思集款濟民竭力挽救事之如願與否此時尙無把握惟以豫人而辦豫賑正未忍畏難退讓重蹈前人覆轍貽愧鄉邦於十四日踰冰渡河抵汴和帥志在救民不遺餘力現與籌商一切總以得款爲第一要圖擬將江安明年海運漕糧九萬餘石全數截留合詞入告一俟仰邀

俞允卽請閣下督理轉運想摯交誼託肺腑必當不辭勞瘁共

文誠公集函牘卷一

四十二

天津華新印刷局代印

濟梓桑祝三處借券謹已補押仍交介弟帶呈於豫事力之所及不敢不勉永矢此心以期上慰宸厪下拯溝瘠而已敢以布諸執事

致致夫

闊別已屆年餘每念起居輒增勞結比想動定均吉當如頌言豫事無可他咎一誤於不早賑再誤於無定章二誤於不用正人以致未賑以前災民逃亡流徙既賑以後紊亂無紀不能實惠及民此時待賑者多財用已匱自非急籌巨款無以濟此宏艱然有款而無正人胥役侵吞刁民冒領皆所不免其得入於溝瘠之腹者蓋亦無幾弟奉

命而來亟欲釐除此弊非得老成宿望廣以思慮所不及佐以才力所不能亦懼措置爲難耳執事夙抱救民之隱而又品端詣卓鄉里交推值此巨災奇慘凡鄙人怒焉難安者當亦仁人所心惻也敢希騶從速蒞省垣共圖拯救鄙人望君如歲惠然肯來日月以冀

致本省各紳富

保恆以豫人奉

命來司豫賑入境以來至抵汴以後耳之所聞目之所見類皆從來未有之慘言難盡述筆不能傳雖尙未徧歷災區而大概艱苦情形已可想見幸出都時業將窘急之况奏明並請

文誠公集函牘卷一

四十二

天津華新印刷局代印

旨在於各處紳商富戶中先行籌借卽指本省地丁開徵後加息清還已由戶部覆奏議准是以函牘飛馳於閩吳各省籌商巨款惟道路迢遙緩難濟急刻下各處饑民朝不保夕缺賑一日卽有無數就斃之人保恆目擊顛危問心實有所難忍不得已惟有與我同鄉諸君子再一商之計自亢旱以來捐粥捐貲尊處已不遺餘力捐之一字已毋庸議只有籌借一法事尙可行明知遇此荒年糧食既無收穫買賣亦難周轉在尊處原不必裕如然仰藉大力通挪固可濟急卽藉大名轉貸亦易爲功閣下情深桑梓伉爽性成特與撫帥共簡賢員趨赴尊處面爲籌酌務望慨然假以成數俾救目前之急不惟災黎戴德卽保

恆亦感切高情此項業已議定由籌備局書給印票不急待用
則俟本息同歸若欲隨時取用亦可按季付息將來並可抵交
錢糧正款幸請無疑無畏保恆亦斷不至相負也除一切不盡
之自由委員詳致外專泐布懇務祈金諾爲禱爲盼

致江西李捷峰方伯

豫中積旱成災極重者五十九州縣飢黎除逃散死亡不計外
尙有五六百萬之多庫儲則支給早空撥款則勻攤立罄且二
麥全無早秋亦將不及播種來日正長弟才疏慮短籌措徒勞
日觀顛沛流離之慘竟無點金之術俾延殘喘捫心自問負疚
實深惟有仰告仁人矜其愚而助之間尊處庫存另款實逾二

文誠公集

函牘卷一

四十三

天津華新印刷局代印

百萬已函致仲帥商其暫借三數十萬急濟目前賑需仲帥仁
人諒無不允行執事民瘼關懷尤必樂成斯舉夙荷心交垂契
用敢披瀝瀆陳務祈推愛代乞仲帥曲從所請不勝跂禱之至
俟奉示允卽將指定何項共分幾年歸款會同和帥奏明立案
朗軒中丞古道君子將來亦必力圖踐約也

致毛旭初家宰

吾豫情形先則遇災不報仍事追呼致民離散繼則急遽賑粥
多在城關設廠使民奔走不遑豈但廠中百弊叢生無從稽覈
而老弱就賑死者轉多蓋當局本意祇圖敷衍非爲恤民也前
賢有語譬如同室中人病甚代爲療治醫士盈門藥方堆案可

以抵外人責備而醫士之庸良不問藥材之違合不知病者之能起與否實漠然無所動心豫之粥廠何以異是保恆抵汴與和帥商議詳定新章刊發各屬以救其弊奈入手已誤急切頗難挽回茲先就省中清查戶口收恤流亡督飭在事員紳認真辦理甫有頭緒然其間濫支冒領仍不能除省外隨時派人明查暗訪州縣之實力奉行者竟不多得離奇之事筆難殫述幸有和帥同心共濟隨事尚可商辦所慮者款項匱乏開年益形緊迫截撥捐輸銀米及漕常倉穀皆散放一空餘惟東漕八萬石未到粵東生息銀十五萬兩遲速總可解來亦不過稍延旦夕現在各路稟求接濟積如山無言批答北岸飢民渡河入

文誠公集 函牘卷一

四十四

天津華新印刷局代印

省者日以千百計添廠增竈幾於無地可容勢甚岌岌不得已而有

逾格施恩之請想

聖明在上必能鑒其苦衷仍恐事有延宕一面向商富勸借苦心開導鮮肯樂從翎枝部照到後尚未破白捐借艱難彌深焦灼遷延日久恐別釀亂端四顧增憂正不僅爲梓鄉情切耳視縷奉達望時錫教言爲禱

致董司農

豫省災深地廣放賑雖罄藏不足以濟况豫已無藏可罄統須告貸於人亦難爲歸還之地自當酌量樽節於通省中擇災分

擇災分之尤重者寬給賑需仍令確查戶口嚴禁冒濫其災分稍輕捐款已集之處卽不能多發公項非至萬不得已未嘗輕允所求無如截撥等項銀米及漕常倉穀在保恆未到之前本將用盡各州縣有無情弊容俟和帥細查目下先以保民爲急撥借各款一有延誤賑事須停數百萬衆嗷嗷待哺不知何以處之果皆愚懦死卽已矣苟強黠而不願卽於死也復如之何保恆智識短淺竊竊然惟邦本是慮屢以請撥請借疏懇恩施兼勞盡畫想執事上籌

國計必更下恤民生一切議如所請無俟私交另瀆不勝盼禱慶幸之至春首猶寒惟起居珍重

文誠公集

函牘卷一

四十五

天津華新印刷局代印

致劉仲良中丞

豫中民衆災巨倉庫兩空籌款籌糧萬分艱窘歲前道過保陽晤商合肥相國綜考各省儲備謂尊處庫貯另款約有數十萬頗以不逮所聞爲悵嗣得都函告及并詢諸從江右來者僉謂實有二百萬之多瞻望汪洋莫窺涯涘但證諸前後傳述其爲眞力彌滿當匪虛言在執事深鑒積貧不足圖強有備乃能無患存積大宗巨款以應非常老成碩畫謀日計以計其益國盡忱實令鄙人欽佩無地苟非十分危迫決不願不體深籌至計綢繆未雨之苦心惟豫災勘明極重者五十九州縣稍輕者不與焉飢民填委日多賑務需款日急雖仗仁鄰之誼盡力

協籌無如被災太寬分撥立罄且二麥全無早秋未種來日正
長嗷鴻數百萬坐視不忍設策未由素仰執事飢溺殷懷不分
畛域伏祈施仁拯救於另款內量借三數十萬以濟要需而救
民命敝處卽照奏定章程勻分三年指定有著地丁正款分屆
歸楚朗軒中丞理學名賢珂鄉宿望於途次來書亦謂除向鄰
封商借蓋無他策將來抵償必能如期如數先儘提還以昭大
信而酬盛德倘蒙垂鑒得遂所求再備公牘咨達臺端刻已會
商子和前輩應如何奏明立案悉候覆示遵辦務望我公憐而
允之鵠俟德音無任翹企

致牛慕琦總戎

文誠公集 函牘卷一

四十六

天津華新印刷局代印

承示採運皖糧不如俟商販到梁就地購買洞觀卓見確當不
移蓋同一價值商運已有贏餘官辦仍患不足故甯可擡價招
商不宜委員輕費也糧車往返既經派兵更番護送旅人同履
坦途自必異常踴躍仍望時飭部下妥衛行商但冀皖糧絡繹
而來非特可省轉運之煩且於中州民食大有裨補此本仁人
所樂爲而尤兄所懽忻以冀者也

覆吳清卿觀察

祗奉華函藉稔蓋籌勞勩欽佩莫名復蒙詳示獲嘉修武情形
展誦再三不覺涕下弟豫人也承
命襄辦豫賑深懼事機牽掣上厯

宵旰下愧鄉邦然力之所及總期多設一策多救一人瀕行奏請撥借各款均荷

聖慈俯允初一日途次保恆晤商合肥相國矜全敵土意懇詞誠初六日行抵趙州又接來咨縷陳擘畫弟一面函囑該處軍鎮督同修武令設法撫恤弭患未形一面咨請和帥迅飭署事人員星速赴任矣初十日甫入豫境廠已開設糧米停緩災黎攀轅籲訴而該牧令等尙以徵備賑需爲詞骨髓已枯何忍令其再罹敲扑徑自懸牌一律飭緩如謂停徵將以誤賑弟當一人獨執其咎其各該處所設廠座既無冊籍章程亦無正人經理牧令倚胥役爲臂指胥役藉飢民爲生涯種種弊端不堪殫

文誠公集 函牘卷一

四十七

天津華新印刷局代印

述廠座並無席棚老弱無歸者棲宿簷下溝壑餘生終宵暴露凍餒以死日數十人誠不料入境伊始見聞卽已如此也豫事別無他策寬籌款項嚴查弊竇再得官紳實心實力或可稍活垂盡之氓弟到豫後擬與和帥詳細商推議章頒發籌款接濟各廠所全任紳耆不用胥役惟已成之局改弦易轍一切均費周旋其濟則敵省如天之福不濟則力持正議斷不敢委曲遷就以致負 國負民質之仁人君子以爲何如此後聞見所及仍望隨時示知以便遵循至禱至盼

致萬宗伯

籌賑必先籌款而款之絀莫過於豫司庫歷年專顧京協各餉久已空虛青餘接手無計支持年前賑務僅賴截撥各款及漕常倉穀敷衍散放開春以來銀米不繼捐借兩難外州縣告急之文紛如雨集商之青餘亦惟愁眉相對不能批發聽其封廠停賑民之死亡益不可勝計近皆就食省門日到日多不得不勉強安置然已無地可容無粥可飽至於資遣更非力所能逮情形緊迫專盼救援前同和帥屢疏請撥請借均歸部議未知准駁如何即使悉遂所請各款催齊尙須有待垂斃之衆方恐療救不及倘再絕其指望則數百萬生靈豈不立填溝壑萬一強黠未甘速死乘機煽亂又費翦除現在南陽一帶時有蠢動

文誠公集

函牘卷一

四十八

天津華新印刷局代印

之虞幸賴宋軍彈壓暫可安靜而兵餉積欠甚多並當防其譁潰司農顧全大局於豫事必能擘畫周詳下恤民生正以上維國計根本所在關繫非輕韞卿尙書處姪已有函奉達並望仁丈晤時代述苦衷叨愛瀆懇統希惠鑒不盡欲言

致徐蔭軒總憲

豫災之慘共見共聞不忍復述保恆到後因粥賑僅圖敷衍百弊叢生所有截撥之款捐輸之款以及漕糧倉穀俱已散放殆盡而災黎逃散如故死亡如故亟爲嚴定章程刊發各屬以救其弊奈入手已誤急切甚難挽回姑就省中督飭員紳認真清查戶口安輯流亡日來稍爲就緒其中冒濫仍未盡除省外賑

務尙未能周歷巡閱先派人明查暗訪知州縣中之實力奉行者竟不多得且離奇之事往往出人意表弟以豫人居幫辦之位巖厲文檄既不輕用官多藐玩惟有忍而受之現所最苦者在賑款空虛開年以來危迫日甚各路粥廠稟求接濟贖積如山無言批答北岸饑民渡河入省者千百爲羣日夕不斷四關棲流所無地可容添廠增竈經費莫支聚數十萬衆於眼前養之力有不足遣之心更難安蓋此等流民出來之日其住屋梁櫛葦壁柴扉皆已拆毀焚賣淨盡無餘若欲遣歸本籍地方官無計安插是仍置之死地不如在省儘數收留俟有巨款到後貸給牛具籽種方令歸耕然非春雨透足又豈能遽語勸農鑿井開渠亦救荒要務而餘生垂盡孟弼尙慮難供責之力作其何以任所有前人成法在今日皆可採擇而行祇以糧竭貲殫事事無從著手現姑置之勿論救急之策總當寬籌銀米弟與和帥屢次疏請撥借未蒙

立沛恩施均須靜聽部議未知准駁如何內念焦灼多延片刻卽多斃無數生靈保恆坐視挽救無方自疚自撾顛天昭鑒而已覩縷奉佈幸公憐而教之春寒望起居珍重

致賑撫局

敝鄉亢旱經年

天心將轉日昨祥霽下沛大地同霑是皆大公祖諸公虔誠憂

勞之所感召弟亦同深慶幸矣惟彤雲滿空意猶未已今晨峭寒特甚重裘不溫因念棲流所就食客黎衣不蔽體雖得一勺到口之粥恐難禦五更徹骨之寒棲流所雖有土室席箔多半殘缺不足以蔽風雪日就死亡情殊可憫且後來者陸續不絕未領票籤尙多枵腹擬請執事囑在事諸君於日內將棲流所貧民量給每人數十文俾於食粥之外得以湯水藉暖饑腸以度殘歲並派人於各處巡查如有續來饑民未得票籤者皆爲補發俾使共沐

皇仁更於城內外擇寬大廟宇及閒空倉房准其暫行栖止仍須妥派官紳如我澤堂之例經理彈壓免致滋生事端風雪中

文誠公集 函牘卷一

五十一

天津華新印刷局代印

少儂一貧民皆執事廣廈之所庇矣再聞襄城縣荒旱成災極重饑民逃亡已十之三四而積穀至今未放亦應飭查酌辦統希擘畫是所切盼

劉寶善並派人於各處巡查如有續來饑民未得票籤者皆爲補發俾使共沐皇仁更於城內外擇寬大廟宇及閒空倉房准其暫行栖止仍須妥派官紳如我澤堂之例經理彈壓免致滋生事端風雪中



